

SAMÞYKKT

fyrir fiskræktar- og veiðifélag Laugdælinga.

93

25. júní

1. gr.

Félagið heitir Fiskræktar- og veiðifélag Laugdælinga. Heimili þess og varnarþing er að Hrafnabjörgum.

2. gr.

Markmið félagsins er að auka laxveiði á félagssvæðinu, og arð af henni, með því:

1. að stunda laxaklak;
2. að reka laxveiði fyrir alla félagsmenn sameiginlega á einum eða fleiri stöðum, ef henta þykir.

3. gr.

Félagið hefur umráð yfir öllum rétti til laxveiða í þessum vötnum:

1. Allri ánni (Laugardalsá).
2. Þeim tveim vötnum, er áin rennur í gegnum (Efstadalsvatn og Laugarbólsvatn).

Félagsmenn eru allir eigendur og ábúendur þeirra jarða, er land eiga að nefndum vötnum, en þær eru þessar: Strandsel, Blámýri, Laugarból (hefur 2 hluti), Efstidalur (hefur 2 hluti), Eiríksstaðir, Birnustaðir, Hrafnabjörg (hefur einnig 2 hluti) og Hagkot (með einn), eða alls 11 hlutir.

4. gr.

Óheimilt er öllum að veiða lax í vötnum þessum, nema með sérstöku og skriflegu leyfi félagsstjórnar. Skal þar tekið fram um veiðitíma og veiðitæki og með hvaða kjörum leyfið er veitt.

5. gr.

Heimilt er félagsstjórn að leigja ána, eða hluta af henni, einstökum mönnum eða félögum til stangaveiði, ef sýnilegt þykir, að það sé hagur fyrir félagið. Þó má það leyfi eigi vera til lengri tíma en eins árs í senn, nema lögmætur fundur samþykki og tekið hafi verið fram í fundarboði, að slíkt veiðileyfi yrði til umræðu.

6. gr.

Nú tekur félagið upp sameiginlega veiði, og getur það þá ráðið mann til þess að standa fyrir veiðinni. Hann nefnist veiðistjóri. Veiðistjóri annast um framkvæmdir félagsveiðarinnar. Ræður hann menn sér til aðstoðar eftir þörfum. Hann sér um verkun og sölu á veiðinni, og færir alla reikninga þar að lútandi, allt í samráði við félagsstjórn.

7. gr.

Félagið starfrækir laxaklak á þeim stað eða stöðum, sem félagsstjórn velur í samráði við veiðimálastjórnina. Kostnaði öllum skal jafna niður á félagsmenn eftir þeim hlutföllum, sem arðskrá félagsins til tekur. Klekja skal minnst 100 seiðum fyrir hvern lax, sem veiðist á félagssvæðinu.

8. gr.

Stjórnina skipa 3 menn: formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl, þannig: Formaður gengur úr eftir eitt ár, annar meðstjórnandi eftir hlutkesti eftir tvö ár, síðan helzt

93 sama röð. Enginn atkvæðisbær félagsmaður getur skorazt undan kosningu, nema 25. júní lögmaet forföll hamli, eða hann hafi verið þrjú ár í stjórn.

9. gr.

Stjórnin hefur á hendi umsjón með öllum framkvæmdum félagsins milli funda. Hún ræður fasta starfsmenn fyrir félagið og gerir við þá samninga um kaup og önnur kjör, enda samþykki lögmaetur fundur þá samninga. Hún hefur eftirlit með því, að samþykkt félagsins sé hlýtt. Formaður er fulltrúi félagsins út á við og hefur yfirumsjón með störfum félagsins og fjárreiðum þess öllum. Afl atkvæða ræður úrslitum mála á félagsfundum.

10. gr.

Aðalfundur heldur félagið í janúarmánuði ár hvert. Aðalfundur er lögmaetur ef hann er boðaður skriflega með minnst þriggja daga fyrirvara og sé fundarefni getið í fundarboði.

Nú er aðalfundur ekki lögmaetur og skal þá boða til hans á ný með minnst þriggja daga fyrirvara, og er þá fundurinn ávallt lögmaetur. Á aðalfundi skýrir stjórnin frá störfum félagsins á liðnu starfsári og leggur fram áætlun og tillögur um starfsemi þess á næsta ári. Þar leggur hún og fram endurskoðaða reikninga félagsins og úrskurðar fundurinn um þá.

Aðalfundur kys stjórn og tvo endurskoðendur félagsreikninga. Hann kveður á um laun stjórnar og annarra starfsmanna félagsins. Afl atkvæða ræður úrslitum mála á fundum, nema um breytingu á lögum eða félagslit sé að ræða.

11. gr.

Aukafundi heldur stjórnin, þegar henni þykir ástæða til, eða ef $\frac{1}{4}$ félagsmanna æskir þess og tilgreinir fundarefni.

12. gr.

Reikningsár félagsins er almanaksárið. Skulu reikningar fullgerðir fyrir aðalfund og lagðir þar fram endurskoðaðir til úrskurðar.

13. gr.

Arði af sameiginlegri veiði, svo og öllum gjöldum, er af starfsemi þess leiða, skal skipt niður á félagsmenn samkvæmt arðskrá, sem lögmaetur fundur samþykkir og undirrituð er af $\frac{2}{3}$ hluta félagsmanna og ráðherra staðfestir.

Arðskráin gildir til 5 ára í senn. Náist ekki samkomulag um nýja arðskrá, að þeim tíma liðnum, gildir gamla arðskráin áfram. Þó geta þeir, sem vanhaldnir teljast um skiptingu arðs, krafizt þess, að arðskrá sé ákveðin með matsgerð.

14. gr.

Eigi má úthluta arði samkvæmt 13. gr. fyrr en eftir aðalfund. Verði útgjöld meiri en tekjur, skal jafna þeim niður á félagsmenn eftir þeim hlutföllum, er arðskrá ákveður.

15. gr.

Brot á samþykkt þessari varða sektum frá 100—500 kr. og veiði eða andvirði hennar gerð upptæk og renni í félagsjóð.

16. gr.

Samþykkt þessari verður ekki breytt, nema $\frac{2}{3}$ mættra félagsmanna á aðalfundi samþykki breytinguna.

17. gr.

93

Félaginu má slita, ef $\frac{2}{3}$ félagsmanna samþykkja það, og skal þá jafna skuldum eða eignum félagsins niður á félagsmenn, ef einhverjar eru.

25. júní

Samþykkt þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

A R Ð S K R Á

94

fyrir fiskræktar- og veiðifélag Laugdælinga.

25. júní

Arður og gjöld skiptast milli eftirtaldra jarða sem hér segir:

Hagkot	6 $\frac{1}{4}$	einingar
Strandsel	10	—
Blámýri	9 $\frac{1}{4}$	—
Hrafnabjörg	13	—
Birnustaðir	16 $\frac{3}{4}$	—
Laugarból	16 $\frac{3}{4}$	—
Eiríksstaðir	14	—
Efstidalur	14	—

Alls 100 einingar

Arðskrá þessi staðfestist hér með samkvæmt lögum nr. 112 9. október 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 25. júní 1942.

F. h. r.

Vigfús Einarsson.

Páll Pálmason.

S A M Þ Y K K T

95

fyrir fiskræktar- og veiðifélag Rangár.

25. júní

1. gr.

Félagið heitir Fiskræktar- og veiðifélag Rangár. Heimili þess og varnarþing er að þingstað Ljósavatnshrepps í S.-Þingeyjarsýslu.

2. gr.

Markmið félagsins er að koma á laxveiði í Rangá og gera hana arðsama með því:

1. að stunda laxaklak eða kaupa laxaseiði;
2. að reka laxveiði fyrir alla félagsmenn sameiginlega á einum eða fleiri stöðum ef henta þykir.